

摘藻堂四庫全書薈要

集部

欽定四庫全書薈要

集部

皇清文穎卷三十六

詳校官候選知縣臣吳甸華



欽定四庫全書薈要卷一萬九千四百三十七

集部

皇清文穎卷三十六

頌

治河布德施恩頌 有序

王鴻緒

臣聞聖王之勤民也德隆而教備仁周而恩洽動

必規成乎百世澤必普及乎羣黎故常循行以牧  
人損上以益下雖治臻隆盛而不敢自逸豫其身  
蓋懼遠近不同化民患未盡除則無以慰下土而

答蒼穹也此其道備具於皇古載籍之傳矣易曰  
先王省方觀民詩曰允猶翕河敷天之下裒時之  
對又曰時邁其邦懷柔百神及河喬嶽禮曰王者  
必巡狩尊天重民也他若虞書美肆覲之典春秋  
著展義之文疇違斯旨而克治疇循其實而弗昌  
矧詣崇於神聖功冠於三五者其勞厥躬而惠元  
元又何能一日已哉欽惟我

皇上符秉乾坤光昭日月羣生並育不諛胥平協氣旁

流威靈震疊諸夏同軌百蠻奉琛醇膏所濡上暢  
九垓下彌八極固已合宇宙於太和固一夫之弗  
獲矣而

聖心咨警治益圖治

念山海雖咸歸命遐邇雖盡蒙庥顧此洪河頻年衝決  
淮揚州縣昏墊爲虞非峻加疏塞底績曷奏况東  
南乃財賦要區運道爲

國儲攸繫平治不早厥患滋深特是排淪之方隄防

之術緩急疾徐宣蓄高下孰宜棄險而就易孰宜  
斟今而酌古所司顧茫乎其未有得也用是南國  
臣庶無不延頸舉踵企望

翠華之一出而

聖天子早皇然計曰予其敢憚勞弗惠濟此一方民又  
以

宮庭孝養晨昏靡間今時際昇平奉迓

慈幃觀覽謠俗省方設教之中即寓錫類弘慈之道因

敦請

皇太后鑾輿偕幸中外臣工益踴躍懼忤而

審慮周詳惟恐供億孔繁驚動閭左肆

頒帑金備飭儲侍至扈從之贈遺則有禁軍士之繹騷  
則有禁是以

六飛屆臨工不改市農不輟耰黃童白叟夾道歡迎以  
仰瞻乎

聖顏既

駕泣河干詳審黃淮之強弱江海之蓄洩水維之出入  
隄岸之高低疏以導其源塞以節其流數千百里  
湍悍情形一一

指示河臣無不契叶神機識參天表仿之大禹隨山刊  
木距海決川千古並茂彼沉馬束楗築宮宣房曾  
何足云行見川后効靈安瀾永慶億萬烝黎共享  
平成之福

聖天子巡省所賜德至渥矣乃猶



軫念窮簷疾苦大沛仁恩留漕粟以賑饑蠲正供以恤  
勞除逋責以寬催科豁羨餘以紓行旅減鹺課以  
裕經商

詔旨一下動以數百萬計更若赦罪囚止訐告免誣誤  
賣軍役

德音肆被靡不受獲洋溢汪濊莫可涯涘當斯之時三  
吳兩浙聞風景從垂綬韋布之士戴笠東來耒之夫  
焚香頂祝絡繹者千萬衆翕然雲集日環請於

行宮曰

大聖人奚爲後我於是

俯順輿情博求幽隱循淮甸而下邗水邁鐵甕而止金  
閭施惠錫祉殆無虛畧及遵武林復大頒

渙汗蠲租肆青鴻慈渥膏一與江南等泊

廻玉輅言臨建業施恩無稍異同而

躬祀明代寢園褒揚往烈昭示萬禩尤彰

至聖偉度若夫恤鰥寡存孤獨禮高年蒸髦俊廣泮林

士額獎岳牧吏治厚文武賚予優措紳體貌雲漢  
奎章炳耀天地自大僚一命士農工賈以及爪牙  
介冑巖棲谷飲之徒莫不霑仁而蒙澤含和而飲  
醇然曾無寸絲粒粟下擾夫閭里爲也是以

鑾音既止凡茲兆姓又惟恐遄發必叩頭額留至數十  
次不可已每於名山勝水相率羅列野芹致其愛  
戴而

皇上則親奉

慈聖從容流覽罔辭

玉趾虔侍

琨輿承愉婉悅豫之情備視膳問安之節億兆同聲頌  
揚

純孝稽諸古帝蓋何能絜盛哉夫愛敬廣教至德也灑  
沉澹災聖績也發倉已責渥惠也赦過宥罪隆仁  
也圖書煥爛天哲也一時巡而萬善備焉雖六經  
所紀何以侈茲臣生長南邦濫塵

禁地感激

湛恩遍敷桑梓不獲偕吳中父老獻曝輸誠謹稽首頓  
首撰

南巡治河布德施恩頌聊攄下悃但學淺才蕪不足鋪  
揚

盛治萬分之一濡毫伸紙曷任悚惶其辭曰  
皇矣

聖清惠綏萬國侯甸要荒偕臻禔福惟茲洪河自古爲

害南徙挾淮金隄輒敗嗟嗟淮民魚鼈其隣誰能奠又  
企我

聖神

天子曰嘻禹乘四載朕豈憚勞而諉不逮時其邁哉

慈闈曷省

親奉岳巡朝野胥幸預

勅儲侍勿煩民力簞食壺漿懽迎

清蹕

皇涖淮浦荒度土功滔滔二瀆障之使東舉錘如雲束  
薪如阜壁馬不沉永塞決口敷治聿竣恩普德洋我農  
我士我工我商逋則弛責饑則泛粟權既減徵醮復寬  
督一時賦稅蠲貸孔多追呼弗事膏雨滂沱

帝尤好生載矜罪人弘開湯網俾得自新更

念羣吏或勞撫字過誤悉貫車服是畀青青子衿戢戢  
搢紳戶拔其良家錫之珍耆齡大耋繫惟人瑞扶杖來  
觀咸答厥意亘古至寶莫如

天章龍圖玉賚日月同光言瞻鍾山明陵斯在

躬祀加尊

德宗三代計

駕之南自齊而吳自吳而越和風順臚每逢佳勝肆展  
御筵恪侍

聖母觴舉萬年小民有言惟

天子孝愛敬備至示我以教小民又言惟

天子智導河又淮貽我以利小民又言惟



天子仁寬祖減徭恤我之貧小民又言惟

天子聖寧失不經宥我之命猗歟斯巡疇不被

德仰祝

聖壽時萬時億

欽定四庫全書

卷三十六

皇帝省方聖政頌有序

王九齡

皇上御極之三十八載三靈協八風平瑞英生階扶桑  
獻賁鳴琴響徹於松雲擊壤歌騰於衢路沕穆追  
上古膏澤流遐裔雲映日榮光燭天時則勾芒  
佐令之辰太族驗灰之候我

皇乃啟青陽之左个臨

紫極之中垣設獸樽以進嘉謨懸象魏而頒新歷羣公  
卿士百寮庶尹暨甸侯綏要牧伯連帥執圭瑞而

朝正敘

彤墀而肅拜登五方風俗之書上比閭歌咏之章我  
皇乃顧而咨曰斯民樂乎勞來匡直輯寧咻噢匪特爾  
諸臣之責顧予一人其烏容自逸惟是舉行虞巡  
之典以錫嘉祉於億兆人茲當首春布和農夫紅  
女望澤滋甚禮官其諏吉辰建南轅車騎鹵簿毋  
絡繹焜燿使百姓咸知  
天子勤民事而出之意

乘輿將發復

申諭誥誠所歷郡邑母以供億爲民累餼糧囊橐咸自  
飭庀從官郎吏母取民間寸絲粒粟以干罪戾於  
是青徐齊魯江淮吳越之民跂首舉踵承休下風  
知大惠之必及已也

翠蓋啟塗鉤陳翼衛星行雷動陟於濟岱之間緬賜履  
之雄風覽海邦之沃野恩先雨浹澤與春融蠲來  
歲之正供愜樂郊之上願車輪電驚馬首駢闐提

筐扶杖之倫載筆執爰之士趾相錯肩相摩也  
六飛所經汶泗澄波七萃前驅黃淮抑浪河宗獻斗淵  
客捧珠沉璧無虞浮桑息患戎

皇乃醪酒渡江省方陟館姑蘇臺畔載啓

帷宮靈鷲峰前爰開

帳殿因臻鏡水遂憩稽山謁拜禹陵聿酬明德

駐蹕不踰信宿還轅廣沛恩膏東南都會之區江浙綺  
靡之地財賦甲於天下雨露先於八埏田租鉅萬

悉

賜蠲除此

聖德之惠於黎庶也菁莪棫樸廣闢網羅此

聖德之渥於庠序也飭關市之禁而近悅遠來此

聖德之施於商旅也弘肆赦之仁而泣囚解網此

聖德之遍於囹圄也細過勿繩長官捐一青之愆寸長

必錄廉吏被異等之擢賤役蒙

恩卒徒挾續蹟遠邁乎漢唐事迥超夫三五至如同律

度而定權衡觀民風而察好惡合符前典式示來  
茲史不勝書美難殫述所以絢簷幃舞部屋懽呼  
萬戶焚香千村結綺吳歆越吟齊謳魯頌貫珠累  
累相繼不絕而我

皇乃御龍輶登鳳舳沿隄飫聽而從容歸格矣夫生極  
盛之時際難逢之會小臣何幸備員簪筆而不克  
揄揚盛烈鼓吹休明微忱之所不能抑大義之所  
不敢安也遂拜手稽首而獻頌曰



青律初頒

皇情遠暢日麗彤墀霞蒸彩仗

九重暇豫茂舉時巡和鸞應節芳甸生春雲轉堯階風  
馳禹域吳會承流東南仰澤首春諏吉前驅啓行臣工  
踰濟父老歡迎道濟踰汶望洋挹岱

駐蹕恩光

賜租德沛青齊蒼赤鄒魯文儒桑麻徧野謳謠載塗浩  
蕩

皇仁深逾溟渤沃土流膏如川之溢淮淝春漲合派洪  
河地當楚尾聲接齊歌竹下淇園隄連瓠子昔障中州  
今通南紀我

皇涖止河伯懷柔塞莢不患沉璧奚憂月皎廣陵風和  
京口

龍舸分花霓旌拂柳山青鍾阜草綠姑蘇雲帆江國綺  
陌吳都綾選異文香搜百和設案標閭拜迎

鑾輅吳山在望鏡水遙通書名越絕碑傳禹功江左浙

西繡圻接遞詩禮風同閭閻俗異會稽竹箭句踐山川  
傾都老稚望章爭先五玉諸侯紛紛輯瑞儀度章程權  
衡甬蓋較量畫一俾民永遵遂頒異典特布

恩綸南界甌閩北通淮泗日沐洪波星馳

詔諭法網悉解逋賦咸蠲闕無停旅庠無遏賢宥過以  
寬官方自飭錄功示厚軍心胥悅輿臺賤隸惠必均沾  
工師小民思必盡漸甘露之濡浹於肌骨於萬斯年爾  
畋爾宅我

皇樂只整飾言旋歡呼頌禱聲溢江天旄纛輝煌樓船  
燦爛手叶舜琴耳聽夏諺

小臣

拜手敬頌

皇仁揄揚

鴻烈敢後崔駰

聖德十頌 有序

徐潮

恭惟我

皇上東至仁御宇宙上勅天命下求民莫德姚唐虞功  
高三代外王內聖之傳繩武貽謀之事罔弗統會  
一身兼美盡善用是樹無前莫外之績創重熙累  
洽之基遠邇乂安民物康阜功業之盛記注具存  
行且著爲典謨垂爲訓誥炳炳麟麟美不勝載臣  
竊臚其大者撰爲十頌一曰敬天二曰法祖三曰

孝養四曰道統五曰典學六曰勤政七曰知人八  
曰安民九曰武功十曰謙德雖管窺蠡測無當高  
深然

皇上單心寔政布在見聞歷觀前代之主得一二端已  
稱令辟况兼斯衆美者乎謹對揚休命敷陳盛美  
用以光昭海寓宣示來茲廼作頌曰

天維顯思

聖志與通曰明曰旦夙夜禔躬郊雩祈穀有典必恭珪

璜琮璧肝蠶豐融聿懷多福昭事攸宗天人合德格彼  
蒼穹 其一

創業維艱守成匪易以守兼創實殷

睿慮垂精遊神儲思積意綏揚懿鏐善述善繼述之維  
何偕時匡濟繼之維何貽謀永世 其二

長樂慈壽漢宋令式詎如我

皇祇承靡忒尊養

兩宮孝思維則萬國歡心以報罔極如罔如陵如松如

栢配地無疆萬年愉懌

其三

大成至聖覺蒙啓愚自漢迄明祀亦有儀我

皇重道振古良希作君作師功儼德齊敦崇殊禮世教  
是維心傳永接相悅以怡

其四

執中肇啓精一以傳緝熙安止就将仔肩卓哉

聖學啓後承先泝源涉流深極幾研無微不闡有與必

宣斯道重光如日中天

其五

易首自強書稱無逸一日萬幾兢兢翼翼奏對以時羣



工翕集問答從容纖微洞悉惟幾惟康有因有革自昔  
憂勤其何能匹 其六

九德載采陳自虞廷立賢無方道在知人

帝聰昭朗燭靡遁情惟鑑斯明惟衡斯平繩材制器因  
物賦形曷以擬之大造鴻鈞 其七

民有痼瘼謂天蓋高我

皇省方不憚躬勞懲苛滌煩蠲賦輕徭風俗以正積貯  
以饒延頸跂踵佇軫望旒侯不邁止孕育甄陶 其八

三逆釀禍各峙一方尾大蘖芽養癰慮長嗟此赤子胡  
獨罹殃爰赫斯怒命我戎行雷烈電燁燼滅影藏維揚  
我武永奠無疆 其九

聖神文武史頌放勲漢唐之季尊號以興惟彼中主亦  
受美稱我

皇巍巍功德莫京辭讓再三乾惕靡寧卓犖萬古視此  
儀型 其十

南巡頌有序

李振裕

欽惟我

皇上仁育萬邦惠周庶類好生之德同符大造明刑弼教詳慎協中每歲廷訊奏請

上必親覽讞詞務宏欽恤寬重儻以五流議輕典於八辟簡孚敬忌刑期無刑膏澤被圜扉休嘉協區宇姦猾感恩而悔過善良畏法以檢身俗易風移四方從欲慈祥惻怛淪肌浹髓視天下有一夫之不

獲不啻痼瘕之在身也迺者黃河泛溢下民其咨  
皇上念事體重大非河臣所能勝任自甲子

親閱已已

再臨指授濬築機宜兩河漸次就乂茲因霖潦沮洳重

軫

聖懷爰

命車駕三巡南邦荒度土功拯此昏墊念切

慈闈定省躬奉

皇太后鑾輅以行侍膳扶輿罔間晨夕所在恤民隱覈吏治比由齊魯抵淮揚循察河形相度水勢

睿慮周悉興利弭災式垂永久又因吳越父老望幸諄切遂下金閭達武林經歷之區善政畢舉賑賑乏蠲租減稅獎吏育士寬商賚兵恩波被於里閭謳吟徧於衢路而臣振裕以庸愚無似承乏秋官康熙三十八年三月恭接十三日

上諭山東江南兩省罪犯除歷赦不宥外槩予寬釋續

捧接

上諭浙省罪犯寬釋如之臣伏讀

德音遵行惟謹仰頌

皇上如天之仁煦嫗含覆至於如此踴躍懼忤莫可名  
言甘露霖雨有時而竭陽春惠風有時而止惟太  
和之元氣鼓籥於層霄薰蒸於庶彙流行於終古  
亭育於兩間感之即通觸之即應昆蚊由此蠕動  
草木由此萌芽幽蟄由此發舒槁枯由此滋潤易

曰天地之大德曰生惟天大生惟地廣生惟聖人  
好生天不能無雷霆而常以長養爲事地不能無  
險阻而常以持載爲功帝王不能無威刑而常以  
哀矜寬恕加惠民生所謂贊化育而參天地者此  
也我

皇上心天地之心事天地之事至誠以育物尚德而緩  
刑

六飛所臨

渙汗立沛以觀之省方觀民爲鮮之赦過宥罪知明意  
美恩溥德洋駟虞麟趾之風藹然溢於

天綽臣奉宣

詔諭不特爲三省黎民慶幸更生得遊浩蕩實以見九  
圍八表逖聽風聲易面革心風流篤厚熙熙皞皞  
沐浴

聖慈行且賞懸而不用罰設而不試三五以來未有臻  
斯盛治者也爰拜手稽首恭撰



南巡頌一篇仰塵

睿覽我

皇上行慶施惠美不勝書僅舉

恩赦一事鋪張揚厲以誌臣職分所繫少竭惓忱云爾

頌曰

皇帝御宇鴻仁普施矜此下民法網易罹平反寬恤矜  
釋罪疑豈弟慈惠漸被海涯武定邊塞文恬區夏萬物  
熙熙無天閼者士歡於朝民忭於野

睿慮淵冲在宥天下吳楚之交黃淮合流洪波撼堤昏  
墊是憂

帝眷南顧載咨載籌

玉輿三巡俾民有鳩

龍旂賁臨恩澤布濩發粟賜金蠲租減賦自天降福澍  
雨膏露雨露之濡如咻如噢羣黎百姓環擁屬車爭獻  
壺簞載其耘耜我田我井我室我閭惟

帝仁覆有蓄有儲

帝曰念哉嘉我善良葵藿之傾煦以太陽人惟雜糅嗟  
彼愚狂草茅未萌其忍折傷爰自齊魯洎於吳越三省  
黎元有麗明罰罪宜懲創情足矜恤畫地爲獄宥之而  
出寬大之

詔發自

行宮五刑有赦孰敢怙終

帝德好生上格昊穹翺飛末族游浩蕩中臣忝理官職  
惟虞士拜捧

詔書雀躍鳧喜大號其渙日四百里祥風披拂枯槁立  
起

皇帝大聖平刑惟寬沛我仁恩易彼貪殘回心嚮道禁  
網弗干室家以寧耕鑿以安碧草芊芊長自園土黃雲  
翳翳蔭於幽囿刑措不用治叶三古含哺康衢夜勿閉  
戶重華之代喜起盈朝颺言賡歌獨在臯陶臣愧菲才  
謬長秋曹敬獻蕪詞用佐風謠

南巡頌有序

查昇

我

皇上御寓之三十有八年歲在屠維支逢單閼三辰朗  
曜河呈刻玉之祥四瀆安瀾谷獻膺圖之瑞芒芒  
禹甸盡沐

仁風蕩蕩堯天俱遊

化日昨者琬戈靖亂滇南之妖青全消邇時

龍馬巡邊漠北之祲氛盡掃莫不成之

宸算斷自

廟謨乃猶

念切痼瘵思深宵旰十千偶置即行

賜賑之條大有頻書猶下蠲租之

詔固已陽和遍地有物皆春膏雨瀰空無方不潤者矣

乃者治益求治安愈圖安民胥樂矣

帝視如傷巷且歌兮

皇心更切謂夫窮桑南去水以激而彌雄酸棗東來河

就庠而益駛

內府之金錢百萬不惜經營子來之力役三年嗟其  
况瘁

皇上神功廣運解澤宏敷相地勢而合宜順天時以乘  
利隆茲委寄簡厥賢能不憚一日之勞用成萬年  
之逸然而或原或隰必經

睿慮以加詳若決若排須俟

聖裁而乃定爰是

九重側席未暇安居

萬乘首途還思求莫春冰始泮便

勅登舟曉漲纔添遂

令駕艇而且長聆

懿訓敬奉

慈宮已知六合爲家宜以萬方爲養

金根既駕入輦道以扶輪

玉食方調進行宮而視膳爰是金鏡殷地風和青雀之



艘繡罕摩空日麗黃龍之舳揚舠濟瀨轉舵淄川  
泱流出地盡是

恩波岳色興雲無非

仁澤蟻行而拜爵躍而迎總總林林熙熙攘攘

皇帝乃舍樓櫓駕龍驤歷覽河干周咨水道斯時也靈  
鼉應瑞妖鰐潛形雲物清明湍流淡沲於是

親加相度

躬自巡行按輿志以周詳進河臣而告誡共知禹鑿式

睹成功陋彼漢祠徒循故事猶以地當水潦民困  
凶荒撤已貢之

天儲足未周之民食當年齊地寧藉發棠此日長孺無  
須矯詔千家歡笑咸爲我

后所遺萬戶飽騰皆拜

君王之賜若夫地隣甃社路出秦郵舟楫則排如雁齒  
闐闐則比若魚鱗然而

鳳舸經行橋上依然成市

龍旗所駐津頭不禁維舟

謂此邦之商販恒多計所入之羨餘不少減其半額俾  
得均霑推彼地方視茲成例由是揚帆而下毘陵  
當川澤之喉擊汰而南茂苑實梯航之會摩肩而  
望似百水之朝宗翹足而瞻若嘉苗之冀雨

帝乃慰茲輿願擴此殊恩擁畫楫以遄飛撥蘭橈而徑  
渡欄街父老刻玉爲鳩塞巷兒童裁筠作騎齊上  
萬年之頌爭傳三祝之詞由是吳雲入越地即錢塘魯

析聞邾山名葛嶺謂

聖人豈嘗後我幸百姓復得見天纔看鷁彩歡欲成雷  
乍聽鸞聲觀仍如堵

帝心悅豫許爲遲留經信宿而方還沛絲綸而未已  
恩無不逮

德豈勝書若夫山澤設稅關市有司自昔而然於今不  
廢

特命計臣槩行議減由是津梁估舶譏察無苛水市茶

舠緡錢不費長年共樂商旅咸歌至乃

紫泥沛澤丹筆矜辜一開湯網盡屬良民初定虞刑即  
宣司刺以至體恤民依激揚吏治雙鉤森灑

黃帕擎來八法精嚴

金函捧下封疆大吏歌湛露以增榮林壑舊臣浥卿雲  
而起舞而且求賢

詔下籲俊門開廣收竹箭之良聿起菁莪之化

聖恩洋溢

盛典光昭臣謹稽之往牒攷厥曩編見夫巡河浮洛首  
行時邁之文泰時汾陰僅紀遊觀之美

皇上道光前聖德冠百王渙澤流於八紘巽風布於四  
極爲生民以來所未有實千載一時之創聞臣賦  
質庸樗備員翰苑揄揚

聖治才媿馬班鼓吹鴻庥時逢

堯舜望

帝車之南指未隨扈蹕之塵瞻日馭之北旋敬獻迎鑾

之頌頌曰

皇馭九有奕世丕光祥徵玉紐瑞映珠囊慶雲誕敷惠  
風遐暢南通朱垠北屆幽壤三江既道四宅攸寧坤維  
奠位河伯效靈湯湯洪河其流東瀉電激井墟雷轟斗  
野撫撫淮甸地形則窪或決其防害及桑麻  
皇心惻然下土是恤

命官往釐乃董厥職乃淪乃疏乃塞其衝乃濬其淤乃  
計其功乃寬其期乃考其績勿惜一勞期於永逸

皇曰念哉是誠在余孰忍赤子而勿寧居乃駕龍船乃  
乘鳳舸一水津門開帆轉舵

皇念

慈聖有瘁其容爰請於

宮萬福攸同至仁愛物大孝尊親

一人錫類四海儀型乃

敕羽林勿驚巷陌男不輟耕女不輟織載巡載歷於濟  
於淮爰諮爰度克明克諧



皇謂河臣其體余志勿疾勿徐用畢乃事歲有漕粟截  
其萬庾藏之民間爲畢歲儲昔時淮民水患是急孰拯  
其溺惟

皇之德昔時淮民杼軸其空孰賑其窮惟

皇之功屹屹吳會百雉髣髴壺漿道迎望共雲霓

皇誠左右勿辟勿除歡聲動天

聖顏藹如既蒞吳郊復臨越地吳民于于越民跂跂  
皇曰往哉余勿爾遺於陌於阡老扶幼攜穆穆我

皇胞與一切如日斯溫如雨斯澤賦有常額

天家是輸疇實貧窶積此宿逋

皇恤兆民恩言屢下

德音既孚謳歌遍野逐末者商惡其專利今昔相仍什一其稅

皇曰寬之物力孔艱量減其徵通其貿遷孰爲守臣善率厥屬

皇心用嘉便蕃優渥

宸章載錫鳳翥鸞停臣拜稽手罔不敬承

皇之賚恩實勵百司各敬爾位育我嘉師蕩蕩祥刑明  
允是鞠孰爲敗類以干罪戾

皇曰欽哉上帝好生釋彼前愆俾得自新

皇亦有言咨爾髦士天之生材爲國任使爰廣其途爰  
闢其門菁莪棫樸江漢懷恩穆穆我

皇靡澤不逮保合太和涵淪無外百靈咸貺八風載宣  
我

皇作則億萬斯年

豐澤園

御試紀

恩頌有序

湯右曾

臣聞邳隆之世爰啓賡歌明穆之朝時形雅頌是  
以絲綸密勿之寄出自中宸文章翰墨之司傳於  
前古黼黻鴻業歌詠太平列侍從之清班與樞機  
之華選親承顧問班固之讀書禁中引論古今世  
南之更直殿裏曲江亭上甲乙第夫羣僚積翠池

邊賦詠專乎一事以至詞傾蘭葉涼入薰風不乏  
清芬原多麗藻近臣後苑之應制傳於興國之年  
奉詔賞花而賦詩紀自雍熙之代殿開澄碧裁逸  
韻於直廬園啓玉津叶清文於滑露出則抽毫豹  
尾入則簪筆螭頭此皆西清東壁之美譚用爲鳳  
沼鸞坡之勝事欽惟我

皇上乾健秉符離明御歷研絕學於衍圖訪範率土光  
華燦高文於日麗星陳敷天照耀慕詩書而鼓篋

遠及占風候月之鄉被聲教以歸琛遐覃烏弋黃  
支之國蓋

聖神之化遍萬邦而禮樂之風同六合矣又復琅函紺  
帙象架牙籤瑤席啓夫

經筵細旃開於

講幄每隆異數先被儒臣比者復

命分班入承

內直晴開碧落獲聯佩以同趨地迴丹霄許含毫而

遂上近依

黼座惟虬漏之時聞親奉

御床覺龍香之欲染

天顏惟穆

睿語加溫地接鋪金宴分饌玉真屬遭逢之殊遇已爲

臣子之至榮乃

九重復頒屢下之

恩俾一時頻沐非常之典火雲徂暑節還長養於南訛



步輦迎涼

詔許遊從於西苑於時晨曦初映灤露未晞環流而萬  
派滌洄繞樹而千章翳鬱乍移鳳舸如秋汎於絳  
河遙漾龍池恍天連夫瑤島鳬雛鶴子唼喋於波  
光雲影之間荇葉菱絲浮沉於荻浦蓮塘之上遂  
攀桂廡遙陟芝房蘭窓啓而影入重巒蘿幌開而  
晴浮細靄疎分苑柳拂繡拱以搖風密蔭  
宮槐傍雕櫳而翳日傳

玉音於霞表澤自中宣

頒珍膳於雲邊

恩流下溥於是逶迤複榭周歷重軒以至乎

豐澤之園則

皇上重農勤民之所而刈禾觀稼之地也低連曲閣遠  
架孤亭匪琢匪雕識茅茨之儉德載芟載柞詢錢  
鏹之土風滋春雨以移秧翠茗擢穎及秋風而結  
實金鏤垂芒瞻覆隴之青青儼連阡之疑疑既播

嘉穀還樹柔桑密葉蠶宮濃陰繭館田家場圃相  
錯於蓬山瀛海之中鄉遂溝塍忽移於  
紫禁黃扉之內良以寒耕暑織常軫恤於

皇情所由黛耜青裳並駢羅於

帝苑至矣哉幽風之序時物無逸之陳艱難莫得而名  
矣遂乃縈紆遶檻迢遞周廊雲棟棲光璿流颺影  
丹堦翠萼是悉是靈株紫脫黃蕤無非仙穎冒霜停  
雪挺琅玕之數尋待月含風舞簫簫之萬个潤金

莖之露更益清陰溉玉泉之波彌添翠色於焉或  
倚嘉樹或傍清池捧

香案之篇題給

尚方之筆札辨理學而分真偽得修身蒞事之大原  
被潤澤而普豐亨識政本民天之至意又復象樽  
載錫法酒頻傾味飫旨嘉筵陳羞錯蒙

湛恩之汪濊被

厚澤以霑濡臣未悉詞條空慚藝圃幸際文明之世思

繙羣籍以報

國恩濫充紀載之班尚媿諸生之試家法欣逢

曠典敢獻蕪章謹拜手稽首而獻頌曰

聖人御宇久道化成府修事和禮備樂明文恬九服光  
被八紘

瓊章寶宇憂拊咸英倬彼雲漢萬物永貞維茲侍從首  
被輝榮瀛臺之西波涵丹極闢地省農殷是稼穡惟民  
所重在衣與食惟

帝所勤務耕與織史書大有萬世法式仁溥堯年儉崇  
禹德樂廬窠稅匪曰雕鐫清池滉漾修竹嫵媚爰給隄  
糜爰授雲牋肴分神鼎膳撤瓊筵三爵油油

君恩聿宣報稱無地寵渥自天膺茲殊典永戴高厚棧  
樸作人或薪或槲朱草生階靈芝產牖醴泉出源嘉禾  
被畝神功

聖德伊古未有於萬斯年以頌我  
后

嘉禾頌有序

宋敏求

歲次涖灘時當清灝涼風被野碧飄金井之梧玉  
露橫空丹挹銀蟾之桂佐萼收而執矩萬寶薦釐  
擊土鼓以歌豳百華升瑞乃

當宁繪屏於無逸

宵旰

彤廷且

乘輿命駕以忘勞巡行紫塞義歸柔遠豈比長楊五柞

之遊典重省方寧美在鎬橫汾之燕

翠華過處箕伯清塵緹幕移來屏翳灑道睽彼繡壤特  
產嘉禾擢穎菁蔥上蔭五雲之麗抽芽灼爍旁霑  
三露之滋碧透玲瓏幹大鈞之巧運紅翻穠絳鍾  
造化之神功珠寶敷榮異穗衍合歡之樹玉芒煥  
彩同莖如連理之枝蓋八極爲家一稔表應而兩  
儀在握雙米呈符猗歟

聖世之休徵允矣



清明之上瑞懽呼比戶翕萬姓之聚觀踴躍周行望  
六龍而拜獻爰傳

天語馳

示廷僚捧出

鳳樓高綴連珠之色徧觀鵷侶爭披三秀之英紫頰  
紛敷發霞光於瑤砌黃雲滿握映藻彩於璇題謂  
仁卉升華事不妨於徵信即彤編誌瑞道無取乎  
侈揚迓滋至之

天休仍魏魏而不與瞻撫謙之

帝德益蕩蕩以無名臣才愧雕蟲識同窺管垂紳瑣闥

欣分玉粒之膏委佩花磚喜睹金精之采粵惟方

策代有傳聞稽疏乞之遺編靈開炎帝溯放勳之

軼事瑞錫神堯異秀同條長發流徽於姒錄三苗

一穗思文誌慶於姬圖此皆世遠年湮未免疑多

信寡洎於漢生廣殿晉得華林固始濟陽合穎常

書於史牒醴湖新蔡九莖數見於方輿徵祥雖歷

代同稱紀瑞實

熙朝獨盛陸離斗綴光分天漠之星錯落珠瑩秀奪  
閭風之樹胚胎元化孕結靈根肖六合之同心驗  
三才之一氣是固離治渙方升之照萬彙咸豐泰  
階臨既濟之期百昌益萃仁耕義耨涵化育於心  
田坤轉乾旋發休嘉於德產者也臣謹拜手稽首  
而獻頌曰

於皇我

皇登三軌五立我烝民受

天之祐閭澤覃敷湛恩汪布懷柔神人緝熙純嘏金商  
淅淅瑞露灑灑乃

駕六龍乃巡朔方塵清玉塞日麗周行謠衢擊壤忭舞  
趨蹌無高不播無平不殖眷彼良禾厥種非一青甲敷  
分紫芒耀色有芑浮白有薺薦赤中產嘉穀異穗同莖  
二氣之華五行之精百昌之最九土之靈承榮

輦路熠燿其英父老擷之獻於

天子

天子視之爲民色喜謂是尋常弗居盛美仰惟

至德益光國史粵若稽古代重嘉祥景星慶雲騶虞鳳  
凰旅獒越雉寶鼎芝房物華人瑞方策鋪張孰若斯禾  
治理根本可薦馨香可登倉廩驗氣呈和占年表稔屈  
軼徒竒莫英莫並金莖合秀瓊蕊分披以彰

聖治無偏無陂以徵

聖化海航山梯

天子萬年福祿永綏

臨雍禮成頌有序

張廷玉

欽惟我

皇上以天宣之姿懋日新之學興道致治文教覃敷東  
西朔南罔不暨訖乾隆三年春三月甲寅

躬行視學之典釋奠於

先師先日致齋百禮咸秩大昕鼓衆環集於橋門

皇帝整法駕從百官言

詣辟廱自大成門

降輦而入

升階就位儼恪有加奠獻既行乃

御彛倫堂

命儒臣進講經書

王言昭示廣大精微自王公卿尹以及六館生徒四氏  
十哲子孫環列拱聽莫不愉懌鼓舞思自振勵以  
近

天子之光而沐



聖人之澤煌煌盛典千載一時臣謹按記云古者建國  
君民教學爲先言人君致治之本之必由於學也  
書云學古入官議事以制言人臣輔治之術之必  
由於學也故說命之辭曰念終始典於學又曰學  
於古訓乃有獲

孔子生知之聖不廢敏求用能兼綜百王師表萬世我  
皇上聰明睿智文武聖神薄海内外無不知

聖天子道德高深超越隆古而臣叨被

殊遇日侍

禁廷當

深宮毓德之年即已備員講讀親睹我

皇上懋勉功深基命宥密敬體

世宗憲皇帝明理立誠之實訓敷行不怠日就月將以

徇齊敦敏之質而加功之密進學之勤有非承學  
之士所能及其萬一者是以

御極以來敷政寧民無非本天德而行王道作君作師

一以貫之實有以接洙泗之心傳而臻二帝三王之治茲當

臨雍釋菜大典丕昭臣幸得親隨灌獻之末恭承

聖誨用敢質言所見作爲歌詩紀述美盛非徒襲揚扆之具文實將以昭式多士流示無窮臣不勝踴躍  
懼忤之至謹拜手稽首而獻頌曰惟

皇敬學表正自躬文思光被化理聿隆風教之本厥由  
性功緬企

先師心源則同 其一

至矣素王規天矩地受命端門斯文是寄

列聖相承欽崇弗替

帝德重光禮明樂備 其二

戔戔廟貌翬革奕新

宸翰高懸輝映星辰肅將祀事維暮之春

鸞旂戾止言詣成均 其三

鸞旂央央戟門斯啓拜獻

登階牲牢備體有睟其容有秩其禮百爾趨蹌師師濟濟其四

祀事既備乃開講筵聖謨洋洋如日麗天

詔爾儒臣是究是研俾爾庶士是陶是甄其五

皇帝曰都後先一揆入聖之階如塗有軌講學敦行適觀厥美凡此秀民咸喻朕旨其六

亶亶吾

皇繼天立極位育其功欽明其德成性存存小心翼翼

發爲

訓辭爲萬古式 其七

太和翔洽賢俊彙升薪之槲之髦士用蒸文治亶敷隆

隆其興億萬斯年百祿是承 其八



皇清文頴卷三十六



總校官庶吉士

臣

張能照

校對官檢討

臣

王鍾健

謄錄監生

臣

葉

椿

欽定四庫全書薈要

集部

皇清文穎卷三十七

詳校官候選知縣臣吳甸華





欽定四庫全書薈要卷一萬九千四百三十八

集部

皇清文頴卷三十七

頌

日月合璧五星聯珠頌有序

張廷玉

臣聞太平垂象萬年開昌熾之休至德召祥八表

錫清寧之福察璿璣以齊七政治協人時握金鏡

而式九圍道亨帝載是以兩儀順序綿景祐于皇

家五緯成文燭榮光于盛世連珠合璧焜耀唐虞

聚井會奎輝煌漢宋考鴻編之紀瑞傳奕葉以流  
芳欽惟我

皇上

表正建中

重華復旦

功深化育配兩大以成能

道濟陰陽兼三才而立極備修已安人之學百度維新

本敬

天法

祖之誠一元敦化顯懿昭于寰海纘

聖祖六十一載之隆徽禮教賁于中天啟

熙朝億萬斯年之景祚瞻雲就日合東西南朔以觀光  
航海梯山徧侯甸要荒而輯瑞揆文則高懸珠斗  
五色霞騰奮武則一掃欃槍三台氣肅應時而出  
香飄甘露和風有感遂通秀擢奇葩異穎

天心篤佑嘉瑞頻徵爾乃節屆中和日臨庚午八紘如

鏡玉宇澄清七曜同  
躔烟霄霽朗周天三百六十  
五度當營室以交輝  
去地九萬一千餘程環京畿  
而拱極芒寒色正銀河映清淺之波  
玉潤珠圓碧落散斑斕之采  
固已五風十雨天下皆春茲且萬  
戶千門人間不夜瓊華錯落雕几  
陳圖玉管玲瓏  
瑤臺測影仰

一人之有慶識萬類之咸亨乃

皇上聖敬日躋允恭克讓永思不匱謂有開之必先執

德彌弘念方興之未艾堅辭賀典弗尚虛文祇告  
景陵用揚前烈然而作述濟美先後同符在  
聖祖貽謀衍慶之餘為

皇上受祐迎禧之始所以鴻濛一氣帝座之呼吸可通  
宇宙重熙璿室之休徵畢至況值

清廟告禋之會合萬國之歡心又近天田耕藉之期煥  
三辰之麗景精純上格積厚流光

大孝神通誠中形外臣生逢泰運躬際

昌時圖書領王府之班  
版籍忝地卿之長日照月臨之  
下心切瞻依乾施坤載之中

恩承陶鑄五事修而皇極建越四千餘歲迓此弘庥三  
光正而泰階平統億兆黎民受茲介福由是文明  
久照瑤樞永握以彌昌經緯孔彰玉燭長調而廣  
運于斯為盛自古無倫洵惇史之宜書以標珍貺  
叨近臣而作頌竊效賡歌

聖人御宇德炳日星效天法地合撰清寧三才之義萬

世之經璿圖凝祉大化流形一章

日兮月兮合軌同輪五星爛兮環共北辰惟德動

天惟誠感神貞符上瑞鍾于

一人二章

吉日惟午瑞應

景命積厚流光天人叶慶五氣既和四序咸正端拱垂

衣以齊七政三章

皇帝曰咨肇祥有由

聖祖懋德上下同流膺茲

天眷申命用休薦馨祇告式昭貽謀

四章

於惟

聖祖久道化成

聖復承

聖天下文明大觀在上燦燦璣衡洪鈞一氣六宇澄清

五章

大孝備矣神明幽贊善繼善述勵精宵旰道濟天下光



華復旦乃賡載歌昭回雲漢

六章

粵稽世紀歷歲屢千放勲盛軌七曜同躔弘開

泰運直接中天駕彼漢宋焜耀簡編

七章

巍巍昊天惟

帝則之聖德神功作君作師仁風愷澤浹髓淪肌純嘏

天錫法象昭垂

八章

大哉

皇帝謙德彌光照臨下土經緯煌煌四方來賀山海梯

航撫于五辰受福無疆

九章

日月合璧五星聯珠頌有序

勵廷儀

臣聞哲皇建極兩大共其無私聖德升聞三辰為  
之叶應蓋天行本有常度而上瑞必際昌期彼夫  
懸象著明莫大乎日月分精布氣莫重於五星粵  
稽上古之時肇始高陽之代森八元之在列朗七  
曜以同躔復旦興歌仰重華於舜世首山憑眺紀  
五老於堯天三代以還斯祥罕覩彼漢帝入關之  
歲與宋祖建隆之年雖東井奎躔曾並書於往牒

而五星日月非告瑞於同時蓋恭遇我

皇上體上聖之資值中天之運紹聞衣德炳謨烈於千

秋敬

天勤民懋緝熙於寸晷

大孝通神明而無外

深仁合覆載以同符是以至治馨香格於

上帝天庥滋至驗在陽春乃雍正三年二月初二日庚  
午欽天監奏日月合璧以同明五星連珠而共貫

宿躔營室之次位當娵訾之宮臣謹按易坤靈圖  
曰至德之萌日月若連璧尚書考靈曜曰五星若  
編珠則風雨時又按天官所載營室為天子之宮  
娵訾乃天門之象旁連奎壁兆啟文明總因我

皇上孝德光昭貞明感會以一身備仁義禮智信之全  
體故五緯聯木火土金水之淳精此誠羲軒以後  
所希聞奚止漢宋之時為莫逮於時陽靈初上素  
魄偕升垂寶珞於雲間絢榮光於天外重輪輝映

雙呈趙氏之連城五曜齊明錯列魏侯之照乘八  
方共仰僉頌

有道之長百辟騰歡願上

無疆之壽而

聖天子彌深退讓歸美

先皇謂

上天今日之垂庥皆

聖祖當年之昭格純熙嘉瑞願與天下共之敦實矢誠

更

勅諸臣交勉臣鞠躬

丹庭恭聆

寶訓敢再拜稽首而颺言曰大哉

王言功成不有匪崇推讓之虛文善必歸

親益表

孝思之純篤是宜垂諸史冊永昭

大德受命之符被以聲詩用繼天保卷阿之後但念臣

職慚窺管才匪探淵劒珮趨朝忝預星辰之列丹  
青蘸筆難繪日月之容敬上頌言十二章恭祝

鴻圖千萬歲其辭曰

皇矣

上帝鑒觀維德德之休明以引以翼報以休徵表茲

皇極三辰順行宿離不忒

一章

容成司象羲和授時土圭正景渾器著儀七政運行或

速或遲同躔並舍厥待昌期

二章



疊疊我

皇受

天休命丕纘鴻基重熙累慶睿知聰明文武神聖繼序  
其皇靈承維敬三章

至誠感召誕降庥祥三年二月春日載陽二曜同度五  
緯齊光連珠合璧炳朗輝煌四章

合璧維何化成麗正若木初升清輝交映玉兔金烏雙  
圓並瑩陰陽和同天人叶應五章

連珠維何五色相宣歲為春木紀一周天先居亥宮四星從焉晶熒的皦繩貫絲聯六章

和璧隋珠會於營室清廟肅雍天門蕩誅前列羽林旁羅奎壁赫赫明明天文

堯則七章

繼明以照日月在

躬水火金木土德居中五事敬用厥類從同我

皇仁孝執德彌冲八章

曰余一人纘承大統夙夜兢兢萬幾是總敢曰德馨荷天之寵瑞本

先皇太平垂拱

九章

純禧駢集錫祚垂光綿綿善慶百世其昌致茲嘉瑞七曜同行肅告

陵寢陳時福祥

十章

維此福祥錫厥臣庶上下交訢中外純嘏六府孔修五行順布百穀用成庶草蕃廩

十一章

三靈既奠萬福斯來臣司喉舌拜舞蓬萊敬頌萬年日  
星昭回美矣盛矣唐哉皇哉十二章

日月合璧五星聯珠頌有序

田從典

臣聞惟德動天有孚斯應惟天祚德列象攸彰互  
照重輝之盛上紀昌時聚房居翼之祥遠稽帝代  
皆由至道充備而綏祉聿臻元氣弘敷而嘉徵丕  
著然未有二儀寧謐三辰表式序之期萬類咸亨  
七曜煥連編之彩昭然上瑞皎若合符如

今日者也欽惟我

皇上

治邁唐虞

仁同覆載

稟知臨之宜德備乎有容有執有敬有別

具廣運之量詣極乎乃聖乃神乃武乃文

泰交洽而咨儆臣鄰

巽命申而敷陳彛訓

臨雍講學攬金聲玉振之大成

耕藉觀農親黛耜朱紘之盛典

廣虛受之益

聖不自聖而猶勤

弘好生之心刑期無刑而彌慎四海梯航重譯貢越裳  
之鳥萬方玉帛南車消涿鹿之兵神著翠節之生  
雲霏霧集瑞麥嘉禾之慶歲見月彰茲

御極之三年屆仲陽之吉月葭管候氣而律應夾鍾  
蕤依時而榮舒二葉表祥符於峻極式元象於高  
穹珠聯五緯之光璧合雙輪之麗輝煌瑞色上映

丹霄炳耀澄暉遙瞻碧漢位當營室翼清廟之巍  
巍宮在姬訾肅天門之靄靄一陰一陽之道鼓舞  
以盡神合明合序之機忝累而不爽協氣周夫八  
極祥光入於

九重粵自顓頊歷元以來推夫義和歲成之後於今尤  
盛自古為難乃

聖治極於光華

皇衷肅於臨保惟知敬以作所豈止謙而彌光旦明則



昭事惟嚴陟降而不承無數載瞻嘉貺篤念

貽謀爰考典儀展忱孝享馨香俎豆用偕

至德以升聞璀璨

絲綸聿俾普天而同佑夫神雀甘露尚紀編年寶鼎芝  
房猶聞樂府垂諸史冊奉為美談何況握金鏡而  
照六虛斡璇衡而齊七政聚而成象昭

寶運之昌隆煥乎其文協

至人之光被臣愧參調鼎未識挈壺荷遭際於

聖朝飲和最渥幸躬逢乎福祐誌慶宜先瞻

天彌峻無假稱美之文就日增榮願效賡飈之義誠惶  
誠恐稽首頓首而獻頌曰

皇自敬德協於太清光宅

大寶茂育羣生

湛恩汪濊萬化順成攝提有紀分野是經璣璇衡應擢  
曜抒英明明象緯歸我章程一章

月在夾鐘春陽載始五星並躔二曜合軌天漢光華閭

道迤邐營室之次兩兩相比康旱告徵文明志喜

聖主垂裳乾坤儲祉二章

歷宗肇紀實自高陽盛德而應厥惟陶唐東井奎壁千載相望合璧抱彩連珠耀芒順合其則動而有章式昭聖瑞神應無方三章

於穆天命宅中有孚發揚

景運握持昌符麗天久照拱極華敷環回輻輳黍累不渝

心通帝載功齊化樞元吉在上光被海隅

四章

乘乾撫運履泰臨宸祥風淑氣

厚澤深仁蟠際上下協和人神三五隆軌繁祉薦臻眷  
念

鴻烈肅爾明禋顯顯

令德福祿天申

五章

皇極有建錫我民極累洽重熙休光允塞天地清寧三  
辰受職邛隆既登

敬修彌飭履厚戴高賡歌

帝德壽域弘開於萬斯億六章



日月合璧五星聯珠頌有序

福敏

維

聖天子御極之三年大化旁流仁風翔洽

上天嘉應昭示休祥乃仲春二月庚午之旦日月會於  
營室五星聯絡晨見占象者曰是謂日月合璧五  
星聯珠上古聖世嘗一見之曠千百年不可得邁  
我

皇上至德格

天適逢斯會慶莫大焉一時在廷諸臣合詞稱賀請  
御殿受朝

皇帝抑而弗居曰此

聖祖仁皇帝六十餘年福善積慶之餘也其薦告

景陵以昭嘉祥所自朕惟兢兢業業嘉與大小臣工矢  
誠心敦實政仰答

上天之眷祐祇承

皇考之弘猷若張大宗飾侈陳賀典朕無取焉羣臣懇



請至再

皇帝再沛

德音堅讓弗允於是羣臣相與言曰乾象之昭明若彼  
而

聖意之謙冲若此臣等既不獲拜舞

殿陛抒懽忻之情苟緘默遂已無以示後如虛逢

景運何乃相率為頌歌以獻冀昭茲簡編揚厲萬一臣

叨沐

恩光最近且久幸覩嘉瑞恭繹

明綸仰見我

皇上聖德廣遠有昭事

上帝之誠心焉有善則歸

親之孝思焉有遇祥而儆不侈符瑞度越百王之卓識  
焉以此三德欽若

昊天靈貺所臻必且崇衍鴻龐錫羨無極臣不勝懼忤  
謹拜手稽首獻頌曰

倬彼七曜為章於天次舍有度其儀不愆不期而聚亘  
數千年昔高陽氏定為厯元精英旁薄轉幹璣璇我  
皇神聖建極乘乾適膺

景運兆符於前夾鐘應律鳧鳥翩翾日月所會營室是  
躔五緯同次娵訾之垣陽精宵朗華晷晨鮮璧影交映  
珠輝駢聯杲杲皓皓熒熒麟麟瑞色映靄祥光清妍二  
氣訢合萬靈同歡嘉貺炳煥

帝德廣淵

天眷有自予何敢專修德弗懈展孝益虔禮官承

命祇告

寢園榮光奕奕松柏九九陟降

帝右錫福孔蕃安阜殷盛昌熾綿延協和上下洋溢寰  
埏超軼萬古焜煌史編

日月合璧五星聯珠頌有序

蔡世遠

臣聞天開景厯表儀象以垂庥德協乾行彙祥符  
而昭應惟神明之默契自經緯之潛孚凡當極盛  
之朝必顯非常之瑞然而司天入奏惟是星輝雲  
爛之文太史登書無非日麗風和之兆乃若三光  
聚舍七曜同躔合星辰日月以聯暉應元會運世  
而罕見溯休徵於上古傳盛美於伊耆欣承隆運  
於中天快覩嘉祥於

聖世欽惟我

皇上

堯天復旦

舜日重華

行健勵精贊兩儀而成化

體元廣運

乘六位以當陽時維

御極之三年令值春明之二月仁風普洽陽德方亨慶

兩曜之重光瞻五星之聚彩恍天衢之輯瑞琮璧  
煒煌儼玉殿之齊衡璫璣璀璨海天濤湧雙丸如  
夾鏡齊飛斗極雲開五緯似編珠並綴祥光繚繞  
遍八表以騰輝瑞靄繽紛近三垣而拱極而況日  
維吉午恰符

景命之辰時正清晨實際升恒之始舍在姤訾之度位  
屬乾宮次當營室之躔星名清廟將行吉禮示  
至仁大孝之徵特顯苞符昭

峻德鴻功之應雖曰聚奎聚井曾標漢宋之書至若且  
合且聯遠婉唐虞之代百寮競覩一時嵩祝喧天  
萬姓均瞻四野歡呼動地而迺

乾衷益懋

巽命謙承辭大美而不居表蒙庥於

聖祖却賀牋而不受謹告瑞於

景陵是

天意凝禧洵獨超於萬古而



聖心躋敬更遠邁於百王矣臣世遠猥以庸愚備員  
禁近瞻雲就日慙握管之難窺紀月編年喜簪毫之多  
慶謹拜手稽首而作頌曰

太極渾淪兩儀肇分五行順布遞嬗絪縕其氣在

天斯成七曜其理在聖斯成王道王道之成會其有極  
惟純乃備無非

天德惟

天之德

聖祖肖之

聖祖之德

皇帝紹之

皇帝膺籙放勲嗣譽

天心默佑錫茲祉福錫之維何猗與孔多山川清晏風  
雨休和詩咏降康史書大有穰穰嘉禾盈於千畝祈穀  
圜丘同雲沛澤先

天弗違應念斯獲惟茲庶徵

至治之輝乃瞻上瑞

純德之歸紀年當三歲次在己

朝野昇平賡歌喜起時維卯月萬彙句芒和風翔洽澹  
蕩春陽吉日庚午

天齊七政燦燦旋樞何微非應其應維何淺莫測之管  
窺一二若或得之曉籌初報曙色瞳矐咸池騰旭焜耀  
珠宮曰若

聖祖合體乾剛

皇帝敬承健行有常緝熙於燦周於八埏是用會合為  
章於天粵有太陰同度齊行儼如雙璧異彩晶瑩曰若  
聖祖中和參贊

皇帝敬承剛柔合撰以位以育繼照重光是用會合如  
珪如璋木德之精厥名維歲其位東方豐登之瑞曰若  
聖祖仁育黎首

皇帝敬承恩敷九有年穀順成悅豫且康是用來聚降  
福穰穰南方有爛伊維火德居丙位離文明是宅曰若

聖祖丕承禮教

皇帝敬承於昭大孝聲律身度經曲燦列是用來聚有  
文有節位中央者厥名曰鎮土德所鍾光明黃潤曰若  
聖祖秉信立極

皇帝敬承至誠無息格於上下神人以愉是用來聚萬  
邦作孚西有長康德旺於金齊其躔度光彩森森曰若  
聖祖精義入神

皇帝敬承裁制洪鈞惟精惟一執中以運是用來聚宣

昭義問辰星在北清影澤澤是惟水德淵涵澄澈曰若  
聖祖睿智首出

皇帝敬承亶聰若一普天坐照如日方中是用來聚昭  
明有融惟茲日月協於陰陽惟茲五星應於五常若龍  
之圖文象顯設若龜之書九疇燦列是昭

至德廣大精微爰標奇瑞集福承祺伊惟上古陶唐之  
世璧合珠聯遙遙盛事道統堯始明之四千餘載  
皇帝成之不顯丕承其道大光欽明恭讓光被平章

昊天垂象符兆顯然二儀叶度億萬斯年





日月合璧五星聯珠頌有序

張廷璐

臣聞感應莫捷於天人嘉祥必彰於神聖故精誠  
孚格則七政均平至治光昭則三辰式序升扶桑  
之赤馭抱珥流輝映仙桂於銀蟾重輪疊彩分躔  
次舍五行之秀氣凝精同色順方列宿之庥徵著  
兆是皆表光華於象緯所以昭運會之昌明然而  
時不易逢美難兼備惟治化當邳隆之世斯天文  
標萃聚之奇欽惟我

皇上

大孝綏猷

至仁御極敬

天法

祖

深宮嚴對越之誠育物誠民寰宇戴彌綸之澤撫五辰  
而凝庶績道合乾坤調二氣以叙九功業隆參贊  
教崇四術鸞旂蒞而璧水香浮禮重

三推鳳輦臨而青疇色潤昭武功之赫濯遠域來庭  
煥文治之光輝遐方入學維

聖祖六十餘年之怙冒既累洽而重熙我

皇上一日萬幾之精勤更繼志而述事洵德化之昌隆  
已極故

蒼穹之篤愛彌殷祈年而甘雨應辰秉耒而祥禾被野  
寢園鍾慶靈草叢生

內殿迎熏嘉蓮並實瑞方頻見史不勝書今者節屆中

春度推營室日月同躔而璧合五星聚舍以珠聯  
當乾宮集曜之辰正吉祿告虔之會層霄朗霽耀  
精彩於微垣淑氣冲和燦榮光於北極遠稽盛事  
直接唐堯載考陳編更逾顓頊漢初聚井未足擬  
此嘉符宋室會奎豈能方茲珍貺益誠孚一氣

皇上惟以繼

聖祖者繼

昊天則慶協三光

昊天即以眷

聖祖者眷

皇上誕膺多福洵有感之必通特著奇祥信於茲而極  
盛乃

皇上孝思不匱謙德彌光歸至善於  
貽謀肅將禋祀徧羣黎而錫福爰布  
德音却稱賀之虛文勵交修之實意

黼宸之欽承倍切瀛寰之懼忭獨深惇史摛毫輝騰汗

簡小臣獻頌敬附衢歌頌曰

維

皇御宇體元建極以

聖繼

聖重華懋德敕

天之命寅恭嚴翼惟時惟幾宵衣旰食心周八表明昭  
九區德威遐暢聲教覃敷文經武緯天苞地符澤洋恩  
溥海蒞山陬庶績咸熙

一人有道作述同揆猗歟

大孝通於神明

天心感召繁祉純禧惟德是報陰陽以序風雨以時雙  
岐九穗嘉穎紛披豐年穰穰民物恬熙賁若草木咸著  
靈竒二月初吉司天告瑞娠訾之宮營室之次二曜同  
躔五緯咸萃規璧雙符寶珠聯綴瓊霄澄湛麗彩繽紛  
祥光布濩瑞氣氤氲煥乎垂象蔚矣成文冲融晨靄絢  
爛晴雲位屬乾宮曰當

景命陽德方宣春和布令天廟熒煌三垣輝映萬福之  
符萬方之慶中天瑞應粵在陶唐四千餘年上元相望  
欣逢

泰運重覩嘉祥史臣載筆焜耀縑緗

聖心彌謙

聖孝彌篤推本

前徽慶鍾詒穀嘉與黎元共茲介福大美不居

皇衷淵穆惟



天眷德惟德動

天

聖祖積慶有開必先我

皇紹統景祐綿綿升恒臨照億萬斯年



萬年頌有序

徐本

臣聞德協清寧永建億年之景運勲函宇宙式膺  
萬載之負符穆穆淳風仰溯循蜚疏佇彰彰鴻業  
遐稽鳥紀雲官從來神聖之挺生必得岡陵之上  
壽乃自陶唐之後幹支之承叙昭然載陳無逸之  
書殷周之歷年可數始知寶錄瑤圖之篤慶至  
今日而加隆三辰五岳之迓祥冠中天而首出欽惟我  
皇上

廣運齊堯

光華軼舜

心參化育宏陶鑄於三才

道貫苞符煥經綸於四府

格穹昊勤宥密之緝熙

纘緒承謨凜儀型之夙夜薄海厘尊親之戴普天蒙仁

壽之庥史冊之所絕無古今之所僅有爾其德由

天縱道積淵修集金聲玉振之大成一中允執綜

東壁西清之秘要萬卷森羅濬洙泗之長源師表  
尊夫萬世揭紫陽之正學俎豆列於四科

天藻輝煌制作迥高百代

御書炳耀榮光上燭九霄

經筵勤典學之規岸先登而弗懈律厯顯探微之論鏡  
屢照而常澄文柄宜嚴慎選提衡之任賢關既敞  
益弘登俊之途

聖人之誕敷文德也迺若削平藩鎮跨唐時雪夜之功

掃溫海氛軼漢世樓船之績永清漠北殊方服威德而奉

天朝遠震西陲絕域荷生成而編屬國或六軍親總行間瞻

神武之布昭或一將宣威閭外賴

宸謨之指授祁連積石俱傳振旅之銘崑崙折支益謹織皮之貢

聖人之耆定武功也至於深籌疏濬北河垂永定之名

仰賴平成高堰障清淮之瀆使畿輔咸為沃壤東  
南胥慶安瀾而且修問俗之文舉省方之典廣勵  
臣工勤施政事小廉大法內外無不飭之官方網  
舉目張鉅細無不熙之庶績

聖人之開物成務也及夫環九州之域遞賜田租酌太  
倉之儲并蠲漕運計數輒踰於千萬施恩不啻於  
再三況嘉石風清祝網而頻加寬釋園扉春盎按  
律而屢減重條治期底於無刑仁每加於法外

聖人之行慶施惠也由是道隆而福備德盛而化神受  
小共大共受小球大球梯航畢至莫敢不來享莫  
敢不來王冠帶駢羅天馬狡獬悲歸苑圓華平朱  
草紛秀堦墀而

皇上以民安俗阜為嘉祥以歲稔時和為上瑞屏封禪  
而弗事辭

鴻號而弗居操持主敬之心周浹好生之德動靜咸歸  
於至正謨謀必計夫萬全極剛健中正而粹精配



博厚高明而悠久惟至誠之無息信久道之化成  
茲者歲紀重光甲子周而復始歷開萬葉純嘏引  
而彌長八紘騰華祝之聲六幕會嵩呼之響三垣  
拱北璿璣映南極之輝萬派朝東嶰竹叶西池之  
瑄天人洽慶海宇同春臣世沐

恩波深叨

覆露矢心感激竭志賡揚謹按小雅天保之章詒福而  
稱萬壽大雅江漢之什錫祉而頌萬年昔為祈祝

之詞今驗綿長之實謹拜手稽首而獻頌曰

皇帝御極恭已垂裳仁育義正德洽萬方保定孔固長發其祥

堯眉益壽

軒歷彌昌睿知聰明上達

天德

聖性安安

聖修翼翼聲律身度不間亦式緝熙光明絜敬之力造

我區夏山川砥平道兼創業光啟守成櫛風沐雨歲時  
巡行自強不息乾健是程南郊告虔明堂宗祀必躬必  
親齋心敬止對越馨香精嚴祝史萬國駿奔錫福受祉  
九重典學乙夜加勤經經緯史旁羅藝文  
奎章揮灑焜耀卿雲羣臣雒誦億載揚芬

壽考作人譽髦斯士於論鼓鐘傳於壁水載歌鹿鳴載  
讌聞喜人文化成彬彬遐通

帝揚武烈

睿算如神掃除三孽海島悲臣天山掛弓屬國歸仁奠  
安荒服玉關無塵

帝念民依恩敷禹甸綏萬屢豐蠲租歲徧析楊久卧和  
風永扇閭澤大來海隅清晏地平天成以水為端北河  
南堰底績迴瀾

六龍屢幸圖民乂安功高如氏敷土隨刊

帝勤萬幾尤敦儉樸日昃不遑衣存澣濯崇政邇英日  
親講幄咸五登三

皇猷卓犖祥符瑞應溢於簡編

帝心所向孝弟力田嚴恭寅畏勿懈益虔堂堂壽域光  
被八埏

玉歷無疆昌辰欣觀閭闔洞開簫韶迭奏大小臣工奉  
觴輻輳

天子萬年與天齊壽



河清頌有序

朱軾

欽惟

皇上御極之四年歲丙午十二月黃河自龍門迄徐沛  
淮宿二千餘里湛然澄清歷有數旬河臣齊蘇勒  
等次第奏

聞廷臣再疏恭請

皇上陞殿受賀

聖德謙冲誠勉羣臣交相儆惕惟念

聖祖仁皇帝在天默佑之靈虔告

景陵并祀河神以答靈貺仰見

皇上祇承

天休敬之至也善則歸

親孝之至也臣軾以菲才猥蒙

恩眷日侍

內廷瞻仰

穆穆之光



皇上學貫天人道符易簡與旨微言時形於

講論臣敬誦而服膺者素矣今景福駢集諸祥備應成  
於

聖治之感孚尤本於

聖心之昭格竊願推明其理以為颺頌之實焉自古論  
治者以天心仁愛為言而宋儒又云天地無心而  
成化此兩言者皆善言天者也天本無心而謙則  
福惠則吉其應如響人君受福於天亦人君自有

致福之道焉耳臣恭聆

皇上之訓曰天心何在即在君臣之身而已大哉

聖訓天人之道備於此矣蓋聖人以中和之德成位育之功天地之位即天地之中也萬物之育即萬物之和也天地之中萬物之和即聖人之致中致和也是故天地清寧而寶道呈非高遠也乃聖人之自茂其栽培萬物亨嘉而靈竒出非神異也乃聖人之自勤其篤祐景星慶雲猶根心而生色川珍

岳貢猶睥面而盜背麟郊鳳藪器車銀甕之屬猶  
之施於四體四體不言而喻也

皇上繼天出治聿懷多福日月五星珠聯璧合嘉禾疊  
產至有九穗十三穗之奇其餘休應不可勝紀今  
復有河清上瑞皆

皇上盛德大業之所自有非天之所得而操其柄者也  
程子定性書有云天地之常以其心普萬物而無  
心聖人之常以其情順萬事而無情廓然而大公

物來而順應夫能廓然大公則此心極其清明而與天相似矣要惟至聖達天德者能之

皇上秉天縱之資而勤於典學擇精守一左右逢原嘗於周易及四子書中

訓示數條開發蒙瞶

謂無極而太極太極即無極也太極生兩儀兩儀即無極太極也太極之外無兩儀兩儀之外無無極太極中庸言誠者物之終始物即誠也體物而不可

遺者即物而體具非物在而別有以體之也孟子  
言惻隱之心仁也羞惡之心義也人心清明之體  
湛若太虛無所謂仁無所謂義時而惻隱而仁之  
端見時而羞惡而義之端見若先安排一仁義於  
胸中恐仁非仁義非義矣臣學識淺陋不能窺測  
萬一然恭繹

至論探本窮源徹上徹下較定性書所言誠有深切著  
明者仰見

聖天子洗心藏密一理渾然純粹以精而淵泉時出發  
見當可以是事

天事

親自

郊廟對越以至出入起居至誠至敬不顯亦臨無射亦  
保推之用人行政之間黜陟命討協於大中因革  
損益歸於盡善斯所謂廓然大公物來順應

皇上之心與

天之心實有相似而不違者昔羲皇之心與天合河出  
龍圖則而畫之為八卦孔子贊之曰無思無為感  
而遂通蓋八卦之理如是羲皇之心體亦如是大  
禹之心與天合洛出龜書法而陳之為九疇箕子  
衍之曰是彛是訓於帝其訓蓋九疇之理如是大  
禹之心體亦如是今河清之瑞與河洛苞符同一  
感召八卦九疇之理會通於

聖心而發皇於萬象乾元之聖作物覩先天弗違皇極

之錫福庶民會歸有極無有逾於

今日者矣率土臣民莫不舞蹈踴躍歡聲雷動而

皇上謙讓弗居

詔示中外謂此

祖德也神貺也朕何有焉又進廷臣而

命之曰弼贊盛治以輔予一人惟諸臣是賴其益加儆

惕以迓

天庥從此豐年穰穰家給人足化行俗美斯為邇隆之



治斯為莫大之祥也猗歟盛哉

皇上以愛育元元為心而廣大高明敷於四海百爾臣  
工以

皇上之心為心而靖共正直公爾忘私日月照臨之區  
凡有血氣之倫亦莫不以

皇上之心為心而從欲風動於變時雍合

君臣上下之心以契合乎

天心太和洋溢協氣旁流保佑申命昌其有極臣不勝

誠歡誠忭拜手稽首作頌以

獻其辭曰

天得一清地得一寧顯仁藏用並育並行在天成象在  
地成形

聖人首出範圍曲成格於上下四表光被寶道疊呈負  
符備至遐福無彊不可數計惟茲黃流復獻嘉瑞呂梁  
之湍龍門之駛濤風澄徹蕩滌渣滓鳧鷖蕩漾遊鱗可  
紀累旬如斯二千餘里時維嘉平陽德方亨吹豳飲蜡

嬰鼓和鳴衢巷歌祝喜起盈廷歡呼雷動躋堂稱觥  
皇心廣運德盛禮恭

曰茲休應匪惟朕躬欽我

聖祖默啟

天衷虔修祀事崇德報功受天之祐惕若彌堅用誠羣  
臣尚其勉旃緝熙敬止廣大配天兆民永賴於萬斯年



河清頌有序

張廷玉

皇帝御宇之四年冬十二月初九日黃河澄清自陝州  
至于桃源二千餘里瀕河之民白叟黃童踴躍趨  
視以為奇瑞至五年正月尚澄澈如前河撫諸臣  
相繼奏

聞于是諸王文武大小臣工歡忻抃舞合詞而稱曰此  
聖治之祥符也表請

御殿受賀

皇上渙發德音訓諭羣臣却頌美之儀文明感應之至  
理推嘉貺之所自仰

聖祖之垂庥

特命祭告

景陵以展孝敬復以隄工甫竣瑞應適彰致祭河神以  
崇報享又以

天

祖錫福

皇躬爰推恩澤溥及臣下

聖德謙冲

恩施浩蕩誠自古所未有也維時文學侍從之臣作為  
歌詩紀述盛事恭進

宸覽臣叨掌院篆職宜敷揚美盛為羣臣先臣聞傳紀  
所載黃河水清聖人之應然稽之往代千載一覩  
且為地甚近又暫時偶見而已今則境連四省期  
邁三旬史冊所傳莫能媲美况我

皇上御極以來海宇清寧太和翔洽

天休滋至上瑞駢臻在天則有日月合璧五星連珠甘露瑞雪之應在地則藉田歲產嘉穀多至九穗直省所在見告乃至十有三穗他若山川寶玉上林草木之祥不可勝紀今茲河清之瑞復超越前古蓋我

皇上以至誠之心至敬之德孝事

聖祖欽若



昊天以及敷政宣猷建官察吏振綱肅紀激濁揚清四海之廣九州之大民生之所以厚民德之所以正仁漸義摩禮陶樂淑

宵衣旰食日理萬幾

明目達聰惠周六合無非本至誠至敬以運之是以上帝鑒觀休嘉疊見昭昇平之大瑞為載籍所未聞而我

皇上聖不自聖益以至誠至敬承之

天

祖之申錫方隆

黼宸之寅恭倍切其在書曰至誠感神又曰勅天之命  
惟時惟幾詩曰小心翼翼昭事上帝聿懷多福蓋  
古帝王所以凝承景貺基命宥密者胥在于此臣

日侍

內廷伏覩我

皇上誠敬之心洵有如詩書所云者固宜迎善氣以迓

鴻庥綏福履而綿寶祚矣而且

聖慈溥被謙德彌光念百職之微勞沛

恩綸於中外昌符嘉應我

皇上以至誠至敬之心致之者而歸美于臣工之襄贊  
則內外諸臣叨沐

恩榮黽勉夙夜其所以仰體

皇上誠敬之心以自殫其誠敬之道者又當何如也且  
夫躬盛德者召嘉祥嘉祥既集而盛德益崇則福

應亦必愈盛天人感召其理灼然著明我

皇上當福應蕃昌嘉祥畢集之時益懋

聖德存誠主敬日進無疆觀已往之休徵驗將來之福  
慶將見純嘏繁禧單厚多益振古希逢之瑞悉見  
于今詩云如川之方至以莫不增河清其先兆矣

臣恭聆

明訓亦不敢襲頌揚侈大之詞干瀆

清聽謹敷陳

聖德拜手稽首而獻頌曰巍巍

聖皇德合天地兢業為心勵精圖治維誠維敬孝思不  
匱監于成憲格于

上帝萬邦咸和百嘉寧遂川瀆呈祥於昭上瑞瞻彼黃  
河源于天上星海騰波崑崙疊浪積石滌洄龍門激盪  
橫亘坤維百川所向九曲逶迤秋濤春漲快覩澄清實  
為神貺爰當

聖世陽侯効靈素波浩浩碧漪泠泠光連銀漢滉漾渟

泓日星輝映冰鑑晶瑩以彰至治以應太平圖錄所紀  
咸曰休徵昔聞其言今果覩此自豫及徐二千餘里期  
越三旬湛然徹底兆姓歡呼萬目共視臣工忻慶瀛寰  
忭喜瑞超往牒光騰青史欽惟

聖祖陟降在天我

皇大孝思慕彌虔善繼善述夕惕朝乾誠敬感孚鑒觀  
昭然

上蒼眷佑錫福綿綿天符地產嘉應駢蕃

聖治益隆

綸言申戒咨儆倍加精勤弗懈昭告

景陵恭承嘉賚錫慶臣僚

湛恩汪濊祇若

天心諸福來會保佑申重於萬千載



皇清文頴卷三十七





總校官庶吉士臣張能照

校對官檢討臣王鍾健

謄錄監生臣葉椿